

# Santa Lutziako azokaren araudien berri eman du Zumarragako Udalak

Lehiaketan izateko abenduaren 9an bukatuko da izena emateko epea

**S**anta Lutzia eguneko feriaren arau eta ezaugarriak jakinarazi ditu Zumarragako Udalak. Abenduaren 13an gipuzkoako herrian ospatuko den urteroko azokako barazki, fruta, oilasko eta kapoi lehiaketarako epea datorren hilaren 9an bukatuko da, antolatzaileek aditzera eman dutenez.

## DONOSTIA

Zumarragan abenduaren 13an ospatuko den Santa Lutziako feriako erakusketetan parte hartzeko baimenak eskatzeko epea joan den astean amaitu zen —hilaren 18an—. Lehiaketetan parte hartu nahi dutenek, berriz, azoka egunaren aurreko astera arte —13ra arte zaldi-behorren kasuan— izango dute izena emateko aukera.

Santa Lutziako feriako fruta, errezil sagar, barazki, kapoi, baserriko oilasko nahiz buzkantza lehiaketetan parte hartu nahi dutenek abenduaren 9ko eguerdiko ordu biak baino lehen jakinarazi beharko dute euren asmoa, Zumarragako udaletxera azalduz nahiz 72.30.00 telefonora deituz.

Sariak honakoak izango dira: barazki eta frutentzako 20, 15 eta



Santo Tomas eguneko azoka iaz Donostian.

LEIRE ARZUAGA

12.000 pezetako hiru sari. Irabazleak garaikurra eramango du. Herriko lote onenari, gainera, 10.000 pezetako saria emango zaio. Errezil sagarrentzako lehiaketan, oster, bost sari izango dira, 20, 15, 12, 10 eta 8.000 pezetakoak. Aurreko ataletan bezala, 10.000 pezeta emango zaizkio herriko lote onenari.

Oilasko lehiaketen araudia ere prest dago jadanik. Arlo honetan honoko ezaugarriak hartuko dira kontuan: oilaskoen adina, ezau-

garriak eta arraza. Lehiaketa honetako partehartzaile bakoitzak bi oilasko pare eraman beharko ditu gutxienez herri honetara.

Oilaskozalea Zumarragako baldin bada bertako udal zergak eta izan litzakeen isunak ordainduta eduki beharko ditu. Animalien lehiaketa honetan izena ema-

teko azken eguna ere abenduaren 9an dago jarrita.

Oilasko lehiaketan 20, 15, 12, 10, 9, 8, 7 eta 6.000 pezetako zortzi sari izango dira. Honetaz gain, 10.000 pezetako sari berezia eratu da oilasko parerik onena eramaten duen herritarrentzat.

## Santo Tomas ere prest

### DONOSTIA

■ Donostiako Santo Tomas feriaren arauak ere prestatu ditu hiriburuko Kultur eta Turismo Ekintzetxeak —KTE—. Baserriko animalien lehiaketa-erakusketan parte hartu nahi dutenei abenduaren 14a baino lehen jakinaraztea eskatu diete antolatzaileek. Horretarako 48 11 66 telefonora deitu beharko dute.

Eskaera egiterakoan bakoitzak aurkezten duen animali taldea eta arraza zehaztu beharko ditu. Ize-

na ematerakoan erakuslearen herriko albaitari baten ziurtagiria aurkeztu beharko da animalia norberak hazi duela frogatzeko. Atal honetan 475.000 pezetako sariak daude.

Barazkietan, berriz, 250.000 pezeta banatuko dira. Atal honetan Gipuzkoako nekazari guztiek hartu ahal izango dute parte eta, nahiz eta beste jardueraren bat izan, famili neurriko baratz txiki batean aritu beharko dute. Izena emateko epea abenduaren 14eko 12.00etan bukatuko da.

Gabonetan 208.488 milioi banatuko ditu Espainiako Loteriak aurtan

### DONOSTIA

Eguberrietako ezohizko bi zozketetan, 208.488 milioi pezetako (8.600 milioi libera inguru) dirutza banatuko du Espainiako Loteriak, Gregorio Mañez Vidal Espainiako Loteria eta Apustuen Erakundeko zuzendariak atzo jakinarazi zuenez.

Aipatzekoa da, hilaren 22an Madrilén zozketatuko den 'Gabonetako Loteriaren' igorpena 108 serietara zabaltu dutela aurtan, eta serie bakoitzak 66.000 zenbaki izango dituela. Guztira, 213.000 milioi pezeta (8.800 liberatik gora) jasoko ditu Espainiako loteria erakundeak zozketa honetarako txar telekin, eta horietatik 149.688 milioi pezeta (6.000 libera gutxi gorabehera) saritan banatuko dira.

Lehendabiziko saria irabazten duen zenbaki osoarentzat izango dira 32.400 milioi pezeta (1.350 milioi libera).

Ondorioz, lehenengo sariako zenbakia duten serie guztiek 300 milioi pezeta jasoko dute eta 30 milioi berriz, dezimo bakoitzak. Erosi behar duenarentzat, berriz, serie bakoitzak 30.000 pezeta balio du (1.250 libera), eta 3.000 pezeta dezimoak.

Aurtengo 'Gabonetako Loteriaren' dezimoek, Palenciako Museo Diócesanoan dagoen XVII. mendeko Andra Mariaren Erretaularen irudia izango dute apaingarri.

Urtarrilaren 5ean zozketatuko den 'El Niño-ren' loteriari dagokionez, lehendabiziko saria jasotzen duten 28 dezimoetako bakoitzak, 125 milioi pezeta (5 milioi liberatik gora) jasoko du.



Andoni

URRESTARAZU

Euskaltzale sutsua

Ez adiorik

GEU. GASTEIZ EUSKALDUNA

Gasteiz, 1993ko azaroak 23



Jabier  
SUESCUN  
ALEGRIA  
"Xabi"

Ez zaitugu  
inoiz ahaztuko

Zure auzoko lagunak  
SANDUZELAI - Iruñea



Xabier  
SUESCUN  
ALEGRIA

Nigar egin nian  
hik utzi leku hutsari  
begira

ARTURO KANPION  
IKA

Iruñea, 1993ko azaroak 23

Egunkaria

I R A  
G A R  
K I A K



(943)  
46  
90  
22